



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESITSATFU (P3)

LWETI 2025

EMAMAKI: 100

SIKHATSI: Ema-awa la-3

Leliphepha linemakhasi la-6.

TICONDZISO KULABAHLOLWAKO

1. Leliphepha lehlukaneiswe TIGABA LETIMBILI:
SIGABA A: Indzaba (50)
SIGABA B: Ematheksthi emibhalombiko (2 x 25) (50)
2. Phendvula MUNYE umbuto ESIGABENI A, MIBILI ESIGABENI B.
3. Bhala TONKHE timphendvulo ngeSiswati.
4. Cala LESO NALESO sigaba ekhasini LELISHA.
5. Hlela (Sib. libalavemcondvo, umdvwebo, ifloshadi, njll.) uphindze uhlunge emaphutsa emsebenzini wakho. Cala ngeluhlaka NGEMBIKWEKUBHALA indzaba.
6. Luhlaka aluvetwe ngalokucacile. Dweba umugca lovundlile etukweluhlaka.
7. Siphakamiso sekulawulwa kwesikhatsi:
SIGABA A: Lokungenani emaminithi la-100
SIGABA B: Lokungenani emaminithi la-(2 x 40) 80
8. Tinombolo tetimphendvulo atihambisane naleto letisephepheni lemibuto njengobe tinjalo.
9. Sihloko asingabalwa nakubalwa linani lemagama.
10. Bhala ngebunono nangesandla lesifundzekako.

SIGABA A: INDZABA**UMBUTO 1**

Bhala indzaba NGASINYE saletihloko letilandzelako ibe ngemagama la-340 kuya kula-390.

- | | | |
|-----|--|------|
| 1.1 | Kwadzela tibukeli | [50] |
| 1.2 | Letimoto letinyenti kangaka! | [50] |
| 1.3 | Sekuphilwa ngekwesaba kuletinsuku | [50] |
| 1.4 | Hulumende akalawule tinkhundla tekuchumana (isoshiyali midiya) | [50] |
| 1.5 | Kuhlala nemfihlo ... | [50] |

Khetsa SINYE sitfombe kuleti letilandzelako bese ubhala indzaba. Bhala inombolo yembuto (1.6, 1.7 nobe 1.8). Nika indzaba yakho sihloko lesifanele.

CAPHELA: Akube nekubumbana emkhatsini wenzaba nesitfombe losikhetsile.

1.6



[Itsetfwe ku-images.searches.yahoo.com]

[50]


1.7



[Itsetfwe ku-*Meta AI*]

[50]

1.8



[Itsetfwe ku-*Meta AI*]

[50]

SAMBA SESIGABA A: 50

SIGABA B: EMATHEKSTHI EMIBHALOMBIKO**UMBUTO 2**

Khetsa KUBILI kulokulandzelako ubhale ngako ngemagama la-100 kuya kula-120 itheksthi ngayinye.

2.1 INCWADZI YEBUHLOBO

Dzadzewenu utsenge imoto lensha lesezingeni lelisetulu futsi kwekucala kutsi kube nemoto ekhaya kini. Bhalela dzadzewenu incwadzi umhalalisele.

[25]**2.2 I-IMEYILI YEMTSETFO**

Somabhizinisi wenzawo yakini bekakukhokhela tindleko tekufundza enyuvesi wate waphumelela ngemalengiso. Bhala i-imeyili umbonge.

[25]**2.3 INKHULUMO LEHLELEKILE**

Ungumhlengikati lotfunywe endzaweni lehlala bantfu lesebakhulile kutsi uyokwetfula inkhulumo ngekubaluleka kwekudla kahle kute bahlale baphilile. Bhala inkhulumo lotayetfula ngalelo langa.

[25]**2.4 I-ATHIKILI YELIPHEPHANDZABA**

Ulilunga lemmango lelingaphatseki kahle ngemonakalo lowentiwa babhikishi njalo uma bakhala ngekungaphakelwa kahle kwetinsita. Bhala i-athikili yeliphephandzaba wecwayise babhikishi ngalomonakalo labawentako.

[25]**2.5 INKHULUMOLUHLLOLO**

Ungusihlalo welikomidi lelibuke imidlalo leyehluhlukeneyentiwa esikolweni lofundza kuso. Ubitwe ngumnikati wenkampani lenikela ngetinsita emacenjini emidlalo lasetikolweni kutsi nibe nenkhulumoluhllolo. Bhala inkhulumoluhllolo lesemkhatsini wakho naye.

[25]

2.6 LUHLELO NEMAMINITHI EMHLANGANO

Litiko Letekulima linikele ngetitfombo tetitselo netibhidvo letehlukahlukene esikolweni sakho. Nibambe umhlangano wekucala nemphatsisikolo nabonisana kutsi kutawusetjentwa njani.

Cedzela loluhlelo lolulandzelako bese ubhala emaminithi alomhlangano.

LUHLELO LWEMHLANGANO WEBAFUNDZI BASESIKOLWENI SEMABANGA LAPHAKEME.

Indzawo: Eklasini lesifundvo sekhompyutha
Lusuku: 14 Imphala 2025
Sikhatsi: 14:00

1. Kuvulwa kwemhlangano
- 2.
3. Emalunga lakhona nalacolisile
4. Umsebenti welusuku/Lokutawukhulunywa ngako
 - 4.1
 - 4.2
 - 4.3
5. Lokunye lokutawukhulunywa ngako
 - 5.1
 - 5.2
6. Lusuku lwemhlangano lotako
7. Kuvala

[25]

SAMBA SESIGABA B: 50
SAMBA SAKO KONKHE: 100